



ზოგადსაგანმანათლებლო
დანესაბუღებების ავტორიზაციის საბჭო

23/04/2025



MES 4 25 0000435280

გადაწყვეტილება

**ზოგადსაგანმანათლებლო დაწესებულებების ავტორიზაციის საბჭოს 2023 წლის 07 ნოემბრის
N1508902 ოქმის მე-6 ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად, საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1. შევიდეს ცვლილება ზოგადსაგანმანათლებლო დაწესებულებების ავტორიზაციის საბჭოს 2023 წლის 07 ნოემბრის N1508902 ოქმის მე-6 ნაწილში და ჩამოყალიბდეს შემდეგნაირად:

„6. სსიპ - ქალაქ თბილისის N26 საჯარო სკოლის ავტორიზაციის საკითხის განხილვა

საბჭოს თავმჯდომარემ დაწესებულებების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ, დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინა ექსპერტთა ჯგუფის თავმჯდომარემ, მაკა ჭიბერაშვილმა. ექსპერტმა განაცხადა, რომ სსიპ - ქალაქ თბილისის N26 საჯაროსკოლაში ავტორიზაციის ვიზიტი განხორციელდა 2023 წლის 04 და 05 სექტემბერს. სკოლა მდებარეობდა თბილისში, პაატა სააკაძის ქ. N14-ში.

სკოლა ახორციელებდა ზოგადი განათლების დაწესებითი, საბაზო და საშუალო საფეხურების ზოგადსაგანმანათლებლო პროგრამებს, ქართულ ენაზე. ზოგადსაგანმანათლებლო დაწესებულების სტატუსის მამიებლის თვითშეფასების ფორმის თანახმად, დაწესებულების მიერ მოთხოვნილი მოსწავლეთა ადგილების ზღვრული რაოდენობა შეადგენდა 600 მოსწავლეს. აქვე, ექსპერტმა განმარტა, რომ აღნიშნულ მოთხოვნას ეთანხმებოდა ექსპერტთა ჯგუფი და დაწესებულებას შეეძლო შესაბამისი საგანმანათლებლო მომსახურება გაეწია 600 მოსწავლისთვის.

მაკა ჭიბერაშვილის განცხადებით, ჯგუფმა შეისწავლა სკოლის მიერ წარმოდგენილი დოკუმენტაცია, განახორციელა ადგილზე ვიზიტი და ჩაატარა ინტერვიუები სკოლის ადმინისტრაციასა და მასწავლებლებთან. დაწესებულების შეფასების პროცესში გამოიკვეთა ავტორიზაციის სტანდარტებთან შეუსაბამობები, თუმცა, სურათი შეიცვალა დაწესებულების მიერ არგუმენტირებული პოზიციის სახით სტანდარტებთან შესაბამისობის უზრუნველყოფის გეგმის წარმოდგენის შემდეგ. კერძოდ, პირველი სტანდარტი შეფასდა, როგორც „შეესაბამება სტანდარტის მოთხოვნებს“, მესამე სტანდარტი შეფასდა, როგორც „შეესაბამება სტანდარტის მოთხოვნებს“, თუმცა 3.4 და 3.5 კომპონენტები შეფასებული იყო მეტწილი შესაბამისობით. რაც შეეხებოდა მეოთხე და მეორე სტანდარტს (სამივე საფეხურის კურიკულუმთან მიმართებით), შეფასებული იყო როგორც „შეესაბამება სტანდარტის მოთხოვნებს“.

ექსპერტმა ისაუბრა სკოლის საუკეთესო პრაქტიკაზე და აღნიშნა, რომ სკოლის მიერ წარდგენილმა სამმა პროექტმა გაიმარჯვა თბილისის მერიის მიერ გამოცხადებულ კონკურსში და მოიპოვა დაფინანსება. პროექტების ფარგლებში მოეწყო მცირე რეკრეაციული ზონა სკოლის ეზოში „მწვანე ტერასა“, სკოლის ბიბლიოთეკისთვის სკოლამ შეიძინა წიგნები, მოეწყო და მოიხატა სკოლის წინ არსებული გადასასვლელი. დაწესებულება ჩართული იყო სამოქალაქო კლუბების სამწლიან პროექტში, რომლის ფარგლებშიც დაფუძნდა სკოლის მოსწავლეთა სამოქალაქო განათლების კლუბი „მეჩინავე“. სკოლა ამ ეტაპზე ჩართული იყო სამოქალაქო კლუბების ხელშეწყობის ხუთწლიან პროგრამაში, რომლის ფარგლებშიც კლუბის მიერ წარდგენილმა არაერთმა პროექტმა მოიპოვა გრანტი. სკოლა ჩართული იყო სხვადასხვა საპილოტე პროექტში: „ჭადრაკის ელექტრონული სწავლება“-მე-2-და მე-3 კლასების ჩართულობით; საგნის „პროფესიული ორიენტაციის“ სწავლება მე-9 და მე-11 კლასებში; ამჟამად სკოლა ჩართული იყო სამწლიან პროგრამაში „დებატები მომავალი წარმატებისთვის“, რომლის გათვალისწინებით, სკოლაში ფუნქციონირებდა დებატების კლუბი. ასევე საპილოტე რეჟიმში განხორციელდა სწავლება „უსაფრთხოების 10 გაკვეთილი“. სკოლა ჩართული იყო შინაგან საქმეთა სამინისტროს პროგრამაში „მართლწესრიგის უზრუნველყოფისა და დანაშაულის პრევენციის 5 პროგრამა საჯარო სკოლებისთვის“. აღნიშნული პროექტის მიზანი იყო მოზარდებში მართლშეგნებისა და ცნობიერების ამაღლება სხვადასხვა მნიშვნელოვან საკითხთან დაკავშირებით.

ექსპერტმა წარმოადგინა სკოლის ინფრასტრუქტურის ამსახველი ფოტომასალა და ხაზი გაუსვა იმ გარემოებას, რომ სკოლა არ იყო რეაბილიტირებული, თუმცა სასკოლო საზოგადოება სხვადასხვა ფორმით ზრუნავდა მასზე.

საბჭოს თავმჯდომარემ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრმა ნატო გაბოშვილმა, აღნიშნა რომ ექსპერტების ერთ-ერთი რჩევა ეხებოდა კონტექსტმაგალითებს, კერძოდ, კურიკულუმში შეიმჩნეოდა კონტექსტმაგალითების სიმწირე. საბჭოს წევრმა კითხვით მიმართა საგნობრივ ექსპერტებს და სთხოვა, დაეხუსტებინათ, კონკრეტულად რა იგულისხმეს მოცემულ რჩევაში. საზოგადოებრივი მეცნიერებების საგნობრივმა ექსპერტის, ბექა კვაჭაძის თქმით, მიუხედავად იმისა, რომ კურიკულუმები

სრულყოფილად იყო შემუშავებული და აგებული, რიგ შემთხვევაში, წარმოდგენილი კომპლექსური დავალება ნაკლებად შეესაბამებოდა იმ საკითხს, რომლისთვისაც იყო წარმოდგენილი კონკრეტული კონტექსტმაგალითი.

საბჭოს წევრმა, ზვიად გოგუაძემ, აღნიშნა, რომ, როგორც დასკვნიდან ჩანდა სკოლას გარკვეული პერიოდი არ ჰყავდა დამლაგებელი და ბიბლიოთეკარი. საბჭოს წევრი დაინტერესდა, როგორ უზრუნველყოფდა სკოლა შესაბამისი სანიტარული ზომების დაცვას. სკოლის დირექტორმა, ბაია გაბაიძემ აღნიშნა, რომ ეს იყო მოკლე პერიოდი, რომლის განმავლობაშიც სკოლის ყველა წევრი ნებაყოფლობით იღებდა მონაწილეობას სისუფთავის შენარჩუნებაში.

საბჭოს თავმჯდომარემ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენას სიპ - ქალაქ თბილისის N26 საჯაროსკოლისავტორიზაციისა და მოსწავლეთა ადგილების ზღვრული რაოდენობის 600-ით განსაზღვრის საკითხი.

კენჭისყრის შედეგები:

მომხრე - 11

წინააღმდეგი - 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის, 21-ე მუხლის პირველი, მე-2 და მე-3 პუნქტების შესაბამისად, სიპ-ქალაქ თბილისის N26 საჯარო სკოლას(ს/კ:202887625) 9წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 600-ით. დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	თბილისი, პაატა სააკაძის ქ. N14
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	თბილისი, პაატა სააკაძის ქ. N14
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	თბილისი, პაატა სააკაძის ქ. N14

საბჭომ 3.4. კომპონენტის შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2027 წლის აპრილში, კერძოდ, შენობა-ნაგებობების სახანძრო უსაფრთხოების მოთხოვნებთან შესაბამისობის შენობა-ნაგებობის მდგრადობის შესახებ დასკვნებისა და ინკლუზიური გარემოს დამადასტურებელი დოკუმენტაციის წარმოდგენა.“

2. ზოგადსაგანმანათლებლო დაწესებულებების ავტორიზაციის საბჭოს 2025 წლის 22 აპრილის N431707 სხდომის ოქმის მერვე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ბერიკაშვილი ნინო



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
წიფურია ეკატერინე

